

ՎԱՐՈՒԺԱՆ ՍՐԿ. ՆԱԿՈՔՅԱՆ

ԵԿԵՂԵՑԱՇԻՆՈՒԹՅՈՒՆԸ ՎԱՍՊՈՒՐԱԿԱՆՈՒՄ ՄԻՆՉԵՒ ԺԱ ԴԱՐ (ՊԱՏՄԱՃԱՐՏԱՐԱՊԵՏԱԿԱՆ ԱԿՆԱՐԿ)

Վասպուրականում, ինչպես նաև ամբողջ Նայասպանում, ըստ ավանդության եկեղեցիներ էին կառուցվում սկսած Ա դարից: Դեռևս Ս. Թադևոս եւ Ս. Բարդուղիմեոս առաքյալները Նայասպանում քարոզչության ժամանակ կառուցում էին եկեղեցիներ, մարտիրոսներ ու վանքեր: Մեծ Նայքի Վասպուրական նահանգում Ս. առաքյալները կառուցել են Անգղա Ս. Ասրվաձաձին, Ասպարաձին, Ս. Թովմաս, Ս. Խաչ, Ծիծաղաբեր Ս. Ասրվաձաձին, Կարմրավորի Ս. Ասրվաձաձին, Նոգյաց վանք, Ս. Թադևոս եւ այլ վանքեր ու եկեղեցիներ¹: Սակայն այնքան էլ հստակ չէ, թե այդ վանքերն ու եկեղեցիները արդյոք հենց սկզբից ունեցել են ճարարապետական այն կառուցվածքը, ըստ որի կարելի էր այդ շինությունները վանք կամ եկեղեցի անվանել:

Ա դարում հիմնականում վկայարաններ էին կառուցվում, որոնց հիմքի վրա հետագայում վեր էին խոյանում մեզ հասած ճարարապետական հորինվածքով վանքերն ու եկեղեցիները:

Ըստ բազմավաստակ ճարարապետ Թ. Թորամանյանի՝ «Քրիստոնեական աշխարհում մինչև IV դարը եկեղեցիների համար մշակված որոշ ձև չկար»²: Պարճառն այն էր, որ մինչ Դ դար քրիստոնեությունը ոչ մի երկրում դեռևս պետական կրոն չէր հռչակվել, եւ շարք երկրներում՝ այդ թվում նաև Նայասպանում, արգելված էր քրիստոնեությունը: Ներկաբար քրիստոնյաները չէին կարող ազատորեն գործել, նրանք անընդհար հալածանքների էին ենթարկվում: Այն վանքերն ու եկեղեցիները, որոնք ըստ ավանդության առաքյալներն են կառուցել, բնականաբար չեն ունեցել մեր իմացած սովորական եկեղեցիների տեսքը, դրանք այդ տեսքը ստացել են Դ դարից հետո:

Ա դարում առաքյալները վանքեր ու եկեղեցիներ կառուցում էին հիմնականում հերանոսական մեհյանների տեսքով, այդպիսի վանքեր էին Ս. Թադևոս, Նոգյաց վանքը, Անգղա Ս. Ասրվաձաձին, Ծիծաղաբեր Ս. Ասրվաձաձինը եւ այլն: Չկար հստակ եկեղեցական ճարարապետություն, որով առաջնորդվեին մարդիկ եկեղեցիներ կառուցելիս: Այս շրջանում կառուցված «վկայարանները» բավականին անշուք ու հասարակ էին:

Նայկական եկեղեցական ճարարապետության պարմության մեջ Դ դարով բաց-

1 Տե՛ս Գ. Ոսկեան, Վան-Վասպուրականի վանքերը, մաս Գ, Վենետիկ, 1947, էջ 748: Զմնո՞. Ե. Լալայան, Վասպուրականի նշանավոր վանքեր, Ա պրակ, Թիֆլիս, 1912, էջ 69 (այսուհետեւ Ե. Լալայան):

2 Թ. Թորամանյան, Նյութեր հայկական ճարտարապետության պատմության, մաս Ա, Երեւան, 1942, էջ 168 (այսուհետեւ՝ Թ. Թորամանյան):

վում է մի նոր էջ, որը մանագետները եկեղեցական ճարտարապետության սկիզբ են համարում: Նայրնի է, որ հենց այդ դարի սկզբներին է, որ Նայասպանում քրիստոնեությունը հաղթանակ է տանում և հռչակվում որպես պետական կրոն: Նայասպանում, ինչպես նաև մասնավորապես Վասպուրականում, սկսում են եկեղեցիներ կառուցվել: Ս. Գրիգոր Լուսավորիչը Կեսարիայում ձեռնադրվելուց հետո Նայասպան վերադառնալիս երկրի տարբեր մասերում այդ թվում նաև Վասպուրականում, կառուցում է վանքեր ու եկեղեցիներ (Ձորովանք, Սալնապարի Ս. Գրիգոր, Լիմի անապար, Կրուցի անապար և այլն³): Գրիգոր Լուսավորիչը նույնպես սկզբից վկայաբաններ էր կառուցում, որոնք հետագայում վերաշինվում էին: Մակայն հենց Դ դարում Նայասպան է ներթափանցում եկեղեցաշինության հսկայական շունչը:

Արդեն Դ դարում 313 թ. Նոմեական կայսրությունում Կոստանդինոս Մեծ կայսրը քրիստոնյաներին արտոնել էր ազատ գործել, որի արդյունքում քրիստոնյաները սկսեցին իրենց համար պաշտամունքային շենքեր կառուցել: «Կայսրը հրամայեց հեթանոսական մեհյաններն ու «basilique» կոչված շինությունները քրիստոնեից պրամադրության տակ դնել նոր կրոնի անունով սրբազործելու համար»⁴: Այդ հունական մեհյանները քառանկյուն սրահներ էին, երբեմն արտաքուստ շրջապատված սյունազարդ ծածկույթով, իսկ basilique-ները նույնպես քառանկյունի շինություններ էին՝ ներսի կողմը հաճախ երկու կամ ավելի սյունաշարով թևերի բաժանված: Սրանք ծառայում էին հասարակաց ժողովների համար: Երկարության մի ծայրի վրա առկա էին շենքից դուրս գցված կիսաբլուրակ աբսիդներ, որոնք ունեին հատուկ նշանակություն, դա թագավորի կամ ժողովի նախագահի համար էր⁵:

Կարելի է ենթադրել, որ հենց Ս. Գրիգոր Լուսավորիչը, որ մեծացել էր հունական միջավայրում և դաստիարակվել քրիստոնեական ոգով, իր հետ Նայասպան է բերել եկեղեցաշինության այդ հունական ոճը, որը ժամանակի ընթացքում մեր հմուտ ճարտարապետների շնորհիվ կրեց բազմաթիվ փոփոխություններ և ստացավ ներկայիս վերջնական տեսքը: Պետք է նշել նաև, որ Դ դարում Նայասպանում տարածվել էր ասորաքաղաքական եկեղեցական ճարտարապետական ոճը: Ողջ Փոքր Ասիայում, ինչպես նաև Նայասպանում, լայն տարածում էր գտել պարսկական ճարտարապետական ոճը, որից նույնպես ազդվել է հայկական եկեղեցաշինությունը⁶:

Նայ ճարտարապետները, ինչ-որ չափով ազդվելով ժամանակի եկեղեցաշինական ուղղություններից, սկսեցին կառուցել եկեղեցիներ՝ համադրելով իրենց գիտելիքները ժամանակի եկեղեցաշինության ուղղությունների հետ: Վաղ միջնադարում եկեղեցական ճարտարապետությունը հիմք դրեց հորինվածքային, գեղարվեստական և կառուցողական սկզբունքներին⁷ :

3 Տե՛ս Ե. Լալայան, էջ 72, 88:

4 Թ. Թորամանյան, էջ 168:

5 ԱճԳ.,

6 Տե՛ս անդ., էջ 80:

7 Տե՛ս Վ. Հարությունյան, Հայկական ճարտարապետության պատմություն, Երևան, 1992, էջ 68 (այսուհետեւ՝ Վ. Հարությունյան):

Դ-Ե դարերի հայկական եկեղեցիները գերազանցապես անգմբեթ էին, բազիլիկա-տիպ՝ միանավ եւ եռանավ⁸։ Միանավ բազիլիկ եկեղեցիներն ունեին համեմատ ճարտարապետական հորինվածք, նրանց երկթեք կտուրի փակ փեղավորված ու կիսագլանաձև թաղով ծածկված է երկարավուն դահլիճը, որն արևելյան կողմում ավարտվում է կիսակլոր խորանով՝ մեկ կամ երկու ավանդաքաներով։ Բսկ եռանավ բազիլիկ եկեղեցիները, միանավ եկեղեցիների հետ համեմատաբար ունեն բավականաչափ ընդարձակ դահլիճ, որ երկարավուն մույթերով բաժանվում է երեք երկայնական նավերի, որոնցից միջինը մյուս երկուսի հետ համեմատաբար ավելի լայն է։ Արևելյան կողմում փեղավորված է կիսակլոր կամ պայտաձև խորանը՝ երկու կամ մի կողմից ավանդաքանով։ Բոլոր նավերը ծածկվում են կիսագլանաձև թաղերով եւ կղմինդրով ծածկված երկթեք կտուրով⁹։ Ըստ նշանավոր մասնագետներից մեկի՝ «Եկեղեցիների պատերը կառուցվում էին մաքուր, քաշած, խոշոր չափերի ուղղանկյուն որմնաքարերից, օգտագործվում էր նաև որձաքար, քուֆ, գեղաքար, նաև հում աղյուս, եւ այդ քարերն իրար միացնում էին կրաշաղախով՝ կազմված կրից, ավազից եւ փվյալ շենքի շինաքարի բեկորներից»¹⁰։

Ե դարում եկեղեցական ճարտարապետությունը թեւակոխում է զարգացման մի նոր շրջան, որն ընթանում է գմբեթավոր եկեղեցիների փոքրերով։ «Գմբեթավոր քաճարները հանդես են գալիս մի կողմից IV-V դարերի բազիլիկ եկեղեցիների հիմքի վրա (գմբեթակիր բազիլիկա), մյուս կողմից առաջանում է քարածական-ծավալային միանգամայն նոր հորինվածք խաչաձև կենտրոնագմբեթ կառուցվածքի տիպը»¹¹։

Զ-Է դարերի հայկական եկեղեցական ճարտարապետության մեջ զարգանում է մի նոր փուլ։ Այս ընթացքում կառուցվում են կենտրոնաձիգ-խաչագմբեթ եկեղեցիներ։ Տվյալ ժամանակաշրջանի Նայասրանում, ինչպես նաև Վասպուրականում, զարգանում է նաև քառակուսի կամ խաչաձև հատակագծով գմբեթավոր փոքրաչափ եկեղեցական շենքերի մի առանձին խումբ, որոնց մեջ են մտնում խաչաձև հատակագծով եկեղեցիներ, պարզ խաչաձև ու եռախորան եկեղեցիներ¹²։

Նայկական եկեղեցական ճարտարապետության համար Զ-Է դարերը եղան աննախադեպ զարգացման շրջան, հայագգի հմուտ ճարտարապետները ստեղծագործական հմտության շնորհիվ կառուցվեցին բազմապիսի գմբեթավոր եկեղեցիներ, որոնցից շատ շատերը կանգուն են մինչև այսօր։ Զարգացման այս շրջանը հասավ նաև Մեծ Նայքի անբաժանելի մաս կազմող Վասպուրական նահանգ։ Այսպես եւս կառուցվեցին գմբեթավոր, կենտրոնաձիգ-խաչագմբեթ եկեղեցիներ իրենց բոլոր քարապետականներով։

Ը-Թ դարերում հայկական եկեղեցական ճարտարապետությունը գրեթե չի զարգացել կապված Նայասրանի քաղաքական ծանր դրության հետ։ Այս ժամանակահատվածում հայ ժողովուրդը հերոսական պայքար էր մղում թշնամիների դեմ։ Անընդհատ ռազմական

8 Տե՛ս Վ. Զարությունյան, Զայ ժողովրդի ճարտարապետական ժառանգությունը, Երեւան, 1985, էջ 9 (այսուհետեւ՝ Վ. Զարությունյան, Զայ ժողովրդի)։

9 Վ. Զարությունյան, էջ 10։

10 Տե՛ս Վ. Զարությունյան, Ակնարկ հայ ճարտարապետության պատմության, Երեւան 1964, էջ 76 (այսուհետեւ՝ Վ. Զարությունյան, Ակնարկ)։

11 ԱճԴ., էջ 96։

12 Տե՛ս Վ. Զարությունյան, էջ 80-81։

գործողություններ էին արել ունենում, այս պարճառով չէին կարողանում ճարտարապետությունը զարգացնել, որի համար անհրաժեշտ էին խաղաղ պայմաններ, իսկ կյանքի գնով կառուցված եկեղեցիներն ու վանքերը քանդվում էին արյունալի թշնամու կողմից և կամ կողպվում: Կարծես թե հենց այս պարճառով է, որ ամբողջ Վասպուրական նահանգում Ը-Թ դարերում կառուցվում է ընդամենը երկու եկեղեցի՝ Ը դարում Նախնավանում Ս. Երրորդություն եկեղեցին և Ը-Թ դարերում՝ Գողթնում Մցգունի Ս. Սյուրբանուս վանքը, թեև այս երկու վանքերն արդեն Վասպուրական նահանգում չէին գտնվում, քանի որ Գողթն ու Նախնավան գավառները վերջինիս կազմի մեջ չէին:

Նայկական եկեղեցական ճարտարապետությունը մեծապես զարգանում է Թ-ԺԱ դարերում, երբ Նայասարն թեալկոխել էր խաղաղության մի նոր շրջան: Թ դարի վերջին ձևավորված Բագրատունյաց թագավորությունը զարգացման լայն հնարավորություն է բնօրինում, որից անմասն չի մնում նաև Վասպուրական աշխարհը:

Նայ ճարտարապետները, շարունակելով ավանդական դարձած հայրակազմային ձևերի կիրառությունը, իրենց հոյակապ գործերում մարմնավորեցին դարաշրջանի ոճական նոր հայեցակետերը: «ճարտարապետության բնորոշ հայեցակետերից մեկը դարձավ գեղարվեստությունը (քանդակագործության և որմնակարգության սինթեզը ճարտարապետության մեջ), սերտ կապը բնության հետ, ճարտարապետական երկի և բնական միջավայրի համաձայնեցված փոխներթափանցումը»¹³:

Եկեղեցու ամենաարարածված տիպը, այսպես կոչված «գմբեթավոր դահլիճը», վերարարադրում էր Զ-Է դարերի եկեղեցիների հորինվածքային գաղափարը: Նայասարնի այդ դարերի կենտրոնագմբեթ եկեղեցիների տիպը որոշ վերափոխություններով վերարարադրված է Աղթամարի Ս. Խաչ, Վարագավանքի Ս. Ասրվաձաձին եկեղեցիներում: Եկեղեցու հայրակազմային մշակման շնորհիվ կառույցը ենթարկվում է որոշ փոփոխությունների, հանդես են գալիս որոշակի նորություններ՝ լրացուցիչ ավանդակներով (երբեմն երկհարկ) արևմտյան անկյուններում և այլն¹⁴:

Չնայած Թ-Ժ դարերում հայկական ճարտարապետության զարգացումը պարմական Նայասարնի բոլոր նահանգներում էլ խաթմվեց Զ-Ը դարերի այնքան հարուստ, ոճական փոփոխության այնքան միասնական ճարտարապետության վրա, սակայն երկրի քաղաքական մասնավորվածության պարճառով առանձին վայրերում առաջացան փոփոխական յուրահատուկ ճարտարապետական դպրոցներ, որոնք Թ-Ժ դարերի սահմանագծում ունեն իրենց որոշակի առանձնահատկությունները: Այդպիսի դպրոցներից էր Վասպուրականի ճարտարապետական դպրոցը:

Թ-ԺԱ դարերում Վասպուրականում, ուր իշխում էին Արծրունյաց հզոր թագավորները, ճարտարապետությունը թեալկոխում է զարգացման մի նոր փուլ. աննախադեպ վերելք է ապրում՝ դրսևորելով իր ինքնատիպ ու անկրկնելի դեմքը:

Վասպուրականի Գագիկ I Արծրունի թագավորի գահակալության տարիներին (908-943) ծավալված շինարարական բուռն գործունեությունը իրականացվում էր այնպիսի

13 Վ. Զարությունյան, Զայ ժողովրդի, էջ 18:

14 Տե՛ս Վ. Զարությունյան, էջ 200-201:

բազմաբանքար ճարտարապետի ստեղծագործության միջոցով, ինչպիսին «... իմաստությունամբ լի էր իր գործերում գորատը...»¹⁵ Մանվելն էր: Նիմնվելով վաղ միջնադարյան հայկական ճարտարապետության, այդ թվում նաև փեղական հարուստ ավանդույթների վրա՝ Մանվել ճարտարապետը հրաշագործեց Աղթամարի Ս. Խաչ հոյակապ եկեղեցին, որով բացվեց հայ արվեստի ու ճարտարապետության պարմության մեջ մի նոր էջ: Շինարարական աշխատանքներ են ծավալվում Վանում, Վարագում, Ոստանում, Աղբակում և այլուր, մի խոսքով ծաղկում է ապրում եկեղեցաշինությունը: Եկեղեցիների շինարարությունը Վասպուրականում ընթանում է ավանդական փիպարեսականների ստեղծագործական վերարդարության ճանապարհով: «Աղթամարի Ս. Խաչ եկեղեցու հարակազմային և ծավալարարածական հորինվածքի համար եղակեր է հանդիսացել Աղբակի Ս. Էջմիածին եկեղեցին: Վաղ միջնադարում այստեղ ստեղծված կենտրոնագմբեթ-խաչաձև եկեղեցիների հիմնական փուլը՝ հանձին Աղիովիպի Արծվաբեր փառարի, կիրառություն է ունեցել, զարգացած միջնադարում այստեղ հանդիպում է քառախորան (Վարագավանքի Ս. Աստվածածին) և եռախորան (Նարեկավանք) փարբերակներով»¹⁶:

Ըստ փիպերի Վասպուրականի եկեղեցիները բավականաչափ բազմազան են: Վասպուրականի փարածքում հանդիպում են գմբեթավոր դալիճներ (Ասպարածին), գմբեթակիր բազիլիկներ (Կարմրակ Ս. Աստվածածին), միանավ ու եռանավ բազիլիկներ (Ս. Ստեփանոս, Ս. Նշան եկեղեցիները Գողթնում և այլն): Նանդիպում են նաև այնպիսի հարակազմային ու ծավալարարածական հորինվածքով եկեղեցիներ, որոնք դուրս են հանրահայտ փիպարեսակներից ու գույր փեղական երևույթներ կարող են դիպվել, օրինակ՝ Աղթամարի Ս. Խաչ, Իլուի Ս. Աստվածածին, Նարեկավանք և այլն:

Գործադրված շինարարության փեսակներից Վասպուրականի ճարտարապետական դպրոցը որոշ ընդհանրություններ ունի Սյունիքի ճարտարապետական դպրոցի հետ («շարվածք անկանոն ձևի քարերից, սրբարաշ, կանոնավոր ձևի քարերի օգտագործում գերազանցապես կոնստրուկտիվ փեսակներից պարասխանափու մասերում»¹⁷): Բնական քարերի հետ այստեղ հետագա դարերում լայնորեն կիրառություն է գտնում թրծված աղյուսը:

Սկսած Ժ դարից Վասպուրականում որևէ շենք կառուցելիս նախօրոք պարասպում էին այդ կառույցի մանրակերպը, հետո նոր սկսում էին շենքի շինարարությունը: Այդպես էր նաև եկեղեցաշինության մեջ. նախօրոք կառուցում էին եկեղեցու մանրակերպը, այնուհետև՝ եկեղեցիները¹⁸:

Այսպիսով, Ժ դարում Վասպուրականի Գագիկ Ա Արծրունի թագավորը բուռն կերպով զարգացնում է եկեղեցաշեն գործունեությունը, որը շարունակում են նաև Արծրունի մյուս գահակալները, և որոնց կառուցած հիմնալի եկեղեցիներից շատ շատերը կանգուն են մինչև այսօր:

¹⁵ Թովմա Արծրունի և Անանուն, Պատմութիւն Տանն Արծրունեայց, Երեսն 1985, էջ 460 (այսուհետև՝ Թովմա Արծրունի):

¹⁶ Վ. Դարությունյան, էջ 222:

¹⁷ Անդ.:

¹⁸ Տես Թովմա Արծրունի, էջ 395:

Ժ դարում, Վասպուրականում կառուցվում են Աղթամարի Ս. Խաչ, Իլուի Քառասուն-
խորան, Մահռաշրի Ս. Պերրոս վանքերը, Ամրականի Ս. Գևորգ, Ս. Սիմոն, Վարագա-
վանքի Ս. Նշան, Ս. Ասրվածածին եկեղեցիները Գագիկ Արծրունի թագավորի կողմից,
որոնց ճարտարապետը հավանաբար Մանվելն է եղել¹⁹:

Այս ժամանակաշրջանում Վասպուրականում կառուցվում են նաև Առբերի Ս. Ասր-
վածածին, Գանձակա Ս. Կարապետ, Ս. Թովմա առաքյալ, Կարմրակ Ս. Ասրվածածին,
Նավուշի Ս Սյրեփանոս, Նարեկավանք, Սպիտակ վանք, Փութկու Ս. Գևորգ եւ այլ վան-
քեր ու եկեղեցիներ, որ կառուցել են Արծրունի գահակալները:

Արծրունիների եւ Վասպուրականի մյուս նշանավոր իշխանների եկեղեցաշեն գործու-
նեության շնորհիվ է, որ արդեն ԺԱ դարում, երբ Վասպուրականի վերջին թագավոր Սենե-
քերիմ Արծրունին Վասպուրականը փոխանակեց Սեբաստիա քաղաքի հետ, ըստ Մապ-
թեոս Ուրհայեցու վկայության «Վասպուրականում կար 115 վանք»²⁰:

19 Տե՛ս **Թովմա Արծրունի**, էջ 392:

20 **Մատթեոս Ուրհայեցի**, Ժամանակագրություն, Երեւան, 1973, էջ 32: